

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XXIV.

urn:nbn:de:hbz:466:1-15617

impactas Episcopis Gallicanis, ac si debitam apostolicae fedi reverentiam contemnere viderentur repudiata Episcopi illius appellatione; tum etiam ut Nicolao suppliciter significant judicatum ab illis fuisse Rothadum, qui ad judicium electorum provocaverat, juxta canones Africanos & decreta sancti Gregorij. Hæc sunt verba Hincmaria in epistola ad Nicolaum: *Cum eo, id est, Rothado, quia vobis placet, cui curæ bona placent, mittimus vicarios nostros, non ut accusatores ad configendum, sed ut à Rothado atque à viciniis nostris, qui causam pleniter ac veraciter aut nesciunt aut facere non volunt, accusati, quod non in contemptum sedis apostolice appellantem Rothadum secundum Sardicenses canones sedem apostolicam, sed eum qui ad electorum judicium de certis capitulis provocavit, juxta Carthaginenses & Africanos canones ac decreta beati Gregorij, regulariter judicavimus, vestre summe autoritatibz humiliter intimandum.*

X I. Demum Hincmarus orat Nicolaum ut rationem habeat canonis Carthaginensis, qui verat appellari à judicibus electis, rametis iij duodecim non essent; cùm præsertim in causa Rothadi integer ex consensu partium fuerit judicum numerus, à quibus dein lata sententia est. Quod si ea sententia infringatur, pellundari hoc unico facinore auctoritatem Metropolitanorum, funditus everti vigorem ecclesiasticæ disciplinæ, & judicia synodorum in contemptum abitura, eriam apud laicos. Vt cunque se res habeat, si post monitiones illas Papa ex speciali gratia, & intuitu misericordia, Rothadum restituere velit, nolle se auctoritati ejus obsertere, malle enim se credere multa Nicolao revelata esse quæ alii sunt abscondita & occulta.

C A P V T X X I V.

Synopsis.

I. Rothadus à Nicolao Papa restitutus est in integrum. Intentata autem Hincmaro depositionis pena si restitutionis executionem impeditat. Dult tamen ut se quid Rothado obiectur, accusatio peragatur apud sedem apostolicam.

II. Regulam prorsus novam invehere conatur Nicolaus, synodum nempe provinciale non posse depolare Episcopum, etiamsi apostolicam sedem non appellaverit, expectandaque esse mandata specialia Summi Pontificis.

III. Contendebat Nicolaus judicia Episcoporum inter maiores causas numerari, quod negabant Galli. Vrget Nicolaus, interrogataque quenam tandem causa sint maiores si judicia Episcoporum in eum censum referenda non sunt.

IV. Non contradicit Nicolaus Gallorum regula, Tom. II.

qui aiebant provocari non posse à judicibus electis. Sed obligè agens, ait ei locum esse non posse in causa Rothadi. illum enim non appellasse judices electos, quod veram est.

V. Rothadus itaque sedem suam recepit. Sed tam Galli non dicebant à regulis suis. Probatur ex Hincmaro, qui synodi iudicium contendit non fuisse casatum, sed Rothado humiliiter poscenti veniam ab apostolica sede datam. synodum vero Gallicanam his decretis parvissime, ut precipuum antiqua regule.

V I. Galli opimo iure contendebant appellari non posse à judicibus electis. Nicolai tamen tamē desiderium consentaneum prorsus rationi erat. Rothadus enim non appellaverat expressi judices. Præterea, pendente appellatione nihil tentari debuit inconsulta sede apostolica.

V II. Cetera est regula, appellari non posse à judicibus electis. Cui & Romani Pontifices absentiuntur. Apud Gracos vetita erat appellatio à sententia judicium electorum.

V III. Appellari non posse à judicibus electis existimat etas divi Bernardi.

I. R O M A M itaque profectus Rothadus Episcopus Sueffionensis juxta præceptum Nicolai, illic semestre integrum commoratus est, adventum vicariorum Episcoporum expectans. Sed cùm illi se per literas excusassent, eo prætextu, quod Italia undique obsepta esset armis hostium, significassentque præterea impositam sibi non fuisse curam accusandi Rothadum, Nicolaus congregato Romæ Concilio anno D C C C L X V. Rothadum in eum statum restituit in quo erat ante sententiam excommunicacionis & depositionis in illum latam. Tum Re- Nicol. ep. 441
ad Carolam, gem Carolum Calvum orat ut decreti hujus executionem protegat, Episcopumque illum restitui jubeat. Hincmarum vero objurgans, depositionis penam intentat si decreti hujus executionis impeditat. Declarat tamen eam sibi mentem esse ut si quid Rothado objicitur, accusatio institui & peragi possit apud apostolicam sedem.

II. Sed in primis consideranda est epistola Nicolai ad Episcopos Gallicanos; in qua rationem reddit eorum quæ à se gesta erant in causa Rothadi. Et tamen cùm contemni & atteri turpe ac sordidum arbitraretur, ac uelici veller auctoritatem suam, quam in eo violatam esse existimabat quod Episcopi dejecti appellationem admittere judices nollent, regulam invehere conatur non solum canonibus receptis & decessorum suorum praxi contrariam, sed etiam variis suum constitutionibus in superioribus epistolis contentis. Itaque regula ab eo proposita, pompa nimis plena, est haec, synodum provinciale non posse deponere Episcopum, etiamsi apostolicam sedem non appellaverit, expectandaque esse mandata specialia Summi Pontificis. Diserta in eam Z z ij

rem sunt verba ejus in ea quam diximus epistola ad Episcopos Gallicanos : *Etsi sedem apostolicam nullatenus appellasset, contra rōt tamē & tanta vos decretalia efferre statuta, & Episcopum inconsultis nobis deponere, nullo modo debuisse.* Idipsum antea viva voce dixerat in Sermone quem habuit in concilio Romano, cujus haec sunt verba : *Quanquam etsi nunquam provocasset, nunquam omnino preter scientiam nostram deponi debuerit : quia sacra statuta & veneranda decreta Episcoporum causas, utpote majora negotia, nostrae dissiendas censurare mandarunt.* Decreta autem unde jus suum repenit Nicolaus non alia sunt quam ea quae extant in collectione Isidori Mercatoris ; quorum ipse veritatem propugnavit in epistola adversus Hincmarum, qui dixerat eas epistolam in codicem canonum non esse relatas.

III. Addit autem Nicolaus majores causas definiri non posse sine censura sedis apostolice, ut ait sanctus Leo, & judicia Episcoporum inter majora negotia numerari, quod Galli concedere solebant. *Sed dicitis, inquit, judicia Episcoporum non esse majora negotia.* Nihil autem aliud reponit quam eas haud dubiè causas esse majores, quod Episcopi primum gradum obtineant in Ecclesia, eorumque judicia ad se eō majori de causa pertinere quod etiam causas Clericorum inferioris ordinis, *cum tempus vel res exegerit*, judicare possit, juxta auctoritatem Innocentij in epistola ad Vietricium, quem laudat, *cujūque nos genuinum sensum aperiuimus in capite decimo tertio hujus libri.* Quoniam vero Hincmarus scriperat ad Nicolaum causas Metropolitanorum judicari non posse inconsulta sede apostolica, ait Nicolaus nullum se discrimen quoad hoc constituere inter Metropolitanos ac reliquos Episcopos. Demum gravi interrogatione Gallicanos Episcopos urget Nicolaus, quæritque quānam tandem sint majora negotia sedi apostolicae reservata si judicia Episcoporum in eum censem referenda non sint, cui interrogationi jam sati factum est in eodem capite xiiii. hujus libri.

IV. Quantum autem ad objectionem Gallorum, qui aiebant licitum non esse provocare à sententia judicum electorum, ei non contradicit aperte : sed oblique agens, ostendit locum ei esse non posse in causa Rothadi illum enim non appellasse judices electos. Sanè Rothadus nonnullis Episcopis scriperat, ut eorum opem imploraret, non certè in præfensi, sed postquam Summus Pontifex præcepisset causam retractari in provincia. Interim vero neque numerum judicum expresserat, neque declaraverat renuntiare se appellationi ad sedem apostoli-

cam, quod causam judicari sineret ab Episcopis electis. Contrà, persistit postea in appellatione, quando damnatus est à prætentis judicibus. Ait deinde Nicolaus eum, postquam sedem apostolicam appellaverat, non potuisse provocare ad auctoritatem Romana minorem & inferiorem. Vnde colligi potest hæsuram illi fuisse aquam nisi appellatio ad sedem apostolicam antecessisset sententiam judicium electorum. Demum magna animi perturbatione & indignatione commotus regulam allegat à me prolatam superius in paragrapho secundo hujus capituli.

V. Auctoritate itaque hujus judicij Rothadus sedem suam recepit. At Episcopi Gallicani non discesserunt à regulis suis, ut constat ex responsione Hincmari ad Episcopum Laudunensem, qui ei proobraverat in irritum ab apostolica sede missam esse sententiā in Rothadum latam. Ait enim Hincmarus judicium synodi, quod latum fuerat & in executionem missum juxta canones, ab apostolica sede non fuisse cassatum, sed Rothado humiliter poscenti veniam ab ea sede datam, multis pro eo rogantibus. Papam vero flecti se passum esse, quod Legati Episcoporum, qui causas judicij lati secum adferabant, Romæ se non stitissent, prohibiti nimirum fauces Alpium transire, synodus verò Gallicanam hoc sedis apostolicae decretem reverenter suscepisse, quemadmodum præscriptum est in antiquis regulis. atque id eō magis obtainere debuisse, quodjam vita excessisset ille qui in loco dejeci ordinatus fuerat, & remoto obstaculo, satius fuisse pacem quam bellum amplecti, præfertim cum frater damnatus ad meliorem fruem se jam recepisset. Hæc compendio perstringere placuit, quæ fusi extant apud Hincmarum in capite quinto Opusculi LV. Capitulorum, in quo hæc quoque verba habentur : *Nostrum judicium per regulas executum sedes apostolica non cassavit; sed Rothado, qui ad eam fecit confugium, humiliiter poscenti (quoniam Legati nostri, qui causam ejus examinavimus, cum literis, sicut præcipiunt canones, prius non venerant, clausas, id est, fauces & transitus Alpium, transire prohibiti) solarij benignitatem impedit.*

VI. Quod si mihi sententiam quoque meam proferre liceat inter tantos viros, liberè dicam quid mihi in mentem venerit. Itaque existimo Gallicanos Episcopos optimo jure contendisse appellari non posse à judicibus electis, Nicolai vero defiderium rationi prorsus consentaneum fuisse in hac facti specie. Nam postulatio judicum electorum, quam isti contendebant factam fuisse à Rothado, non erat expressa, quan-

& Imperij Lib. VII. Cap. XXV. 365

doquidem alium sensum recipere poterat. Præterea appellatio ad sedem apostolicam, quæ facta ante fuerat, cuīque synodus Gallicana concesserat, prohibebat quodam modo ne quid Episcopi definirent inconsulta sede apostolica; præterim cūm reus in appellatione perficerit quando sententia adversus illum pronuntiata est.

VII. Attamen, ut dixi, consilio Gallo-rum prorsus favebat regula generalis, quæ conceptis verbis extat in canone Carthaginensi, cuius auctoritas recepta erat in Occidente. Quin & Hadrianus ipse in Epitome canonum hunc quoque Carthaginem descripsit: *Item ut à judicibus consensu partium electis non appelletur. Sanè Ecclesia Gallicana insuperhabuit has ultimas Nicolai epistolas, quæ politiam canonicam in regno receptam ex eo capite pessumabant quod pronuntiarent nullum Episcopum posse deponi inconsulta sede apostolica. Itaque perficit eadem Ecclesia in observacione trium regularum suprà adductarum in capitibus xxii. & xxiii. hujus libri: quas dein inviolatas præstitit Hadrianus secundus anno octingentesimo septuagesimo primo, id est, sexennio post epistolas Nicolai, adeo ut etiam causas definiri voluerit per judicium electorum.* Græci vero, in quorum collectione descripti sunt canones Carthaginenses, nequaquam ambigunt quin vetita prorsus sit appellatio à sententia judicum electorum; ut observant Zonaras, Balsamo, & Mattheus Blaftares, qui ad confirmandam hanc decisionem laudant libros Basiliocum.

VIII. Adeo autem invaluerat apud Gallos hæc opinio, appellari nimurum non posse à sententia judicum electorum, ut etiam ævo divi Bernardi persuasum omnibus fuerit id non licere. Scribens enim sanctus ille vir ad Innocentium secundum Papam de causa Abailardi, qui ob quadam doctrinæ capita in Concilio Senonensi damnatus fuerat à judicibus electis, ait: *Appellavit ab electis judicibus quod non putamus licere. Episcopi tamen Gallicani cesserunt appellacioni, reverentie causa, ut ait idem Bernardus in epistola sequenti. Pace tamen tanti viri dixerim, eo casu, quod ageretur de fide, debuisse causam illam per appellacionem rei aut relationem judicum devolvi ad apostolicam sedem. Difficultas enim hæc ad majora negotia pertinebat.*

C A P V T X X V .

Synopsis.

I. Galli tandem cedere Romanis coacti sunt sub-

initia tertie Regum nostrorum stirpis in causa Arnulphi Remensis Archiepiscopi. Castigatur Cardinalis Perronus, qui hec agi putavit de Arnulpho Episcopo Aurelianensi.

II. *Violate fidei reus Arnulphus causam dixit in Concilio Remensi; ubi proditionem confessus coram duodecim judicibus, depositus est à synodo.*

III. *Questum est in synodo an competens illa est ad judicandam causam absque auctoritate Summi Pontificis. Ad probandam necessitatem auctoritatis Romanae adducta sunt epistola illa apocryphe Pontificum Romanorum. Pro synodi vero potestate allati canones Africani, Antiocheni, Niceni, & auctoritas beati Gregorij, tum etiam exempla Egidij & Ebonis Archiepiscoporum Remensium.*

IV. *Recepta tum non erant voluntaria cessiones episcopatum. De formula confessionis Episcoporum reorum. Ea siebat singillatum apud confessores, in aversione autem apud synodum. Aferentibus autem confessoribus ejusmodi peccatum fuisse admisum quod pena depositionis plectendum esset, depositio peragebatur.*

V. *De depositione Ebonis Archiepiscopi Remensis. Tres Episcopos elegit qui peccatorum suorum judices essent. Tum tres rursum Episcopos confessionis sua ieses postulavisi. Qua peralita, depositus est.*

VI. *Arnulphus quatuor confessores elegit; eiisque crimina sua confessus, sententia synodi damnatus est: quoniam neque Papam appellaverat ante electionem judicium, neque postquam ejus electi erant.*

VII. *Exemplo Potamij Bracarensis & Ebonis Remensis colligi synodus canonice deponi Arnulphum posse, & alium in loco eius ordinari.*

VIII. *Arnulphus publicè proficeret violatam à se fuisse fidem Regi debitam. Brochardus Comes petit ut proditionis crimen expreſſe proficeretur. Intercessit Arnulphus Episcopus Aurelianensis, dicens confessionem nimini singillatum fieri debere nisi Presbyteris. Decernitur Arnulphi depositio.*

IX. *Subscriptis in actis cessionis episcopatus. Indicatur disserimen esse inter resignationes qua hodie sunt sine causa & eas qua tum siebant ob crimen.*

X. *Ioannes XV. Episcopos hujus depositionis auctores suscepit a divinis. Gerbertus aut obsequendum non esse huic suspensioni, quod adversus canones decreta esset.*

XI. *Arnulphus restitutus est in alia synodo Remensi, ob eam solam causam, quod depositus fuisse absque confessu & auctoritate sedis apostolice. Probatur ex Gerberto.*

I. **R**EGLA à Nicolao primo prolatâ, nullam nempe depositionem peragi posse absque auctoritate Summi Pontificis, retenta fuit in Romana sede: à qua Summi Pontifices non facile discedebant, nisi ea incidenter tempora ut acriter adversum tendentibus concedere cogerentur. Itaque univerfum orbem hujus novæ opinionis jugo colla submittere coegerunt, magnis illis nominibus veterum Pontificum ac Martyrum munera quæ extant in titulis apocrypharum epistolarum ab Isidoro collectarum, quarum auctoritati nemo contradicet. Gallia quoque ipsa cedere tandem coacta est sub initia tertiae Regum nostrorum

Z z iii